

修

彭

山

縣

志

卷一

地 2801183

42

11-8

重修彭山縣志序

中華稱文明古國爲世界所公認而一州一邑爲全國之集體卽爲全國文明之數量所在也土地人民政事之因革損益雖蕞爾小邑自有史以來靡不各有分類之紀載豈第徵文考獻信今傳後而已哉蓋所以明治化之原委鑑往迹而開來軫者動關民族之盛衰國家之存亡顧不重歟按彭山縣志清初僅有武陽小乘史令欽義胤修於嘉慶甲戌乃有成書距今百二十餘年矣近代政體之變更風俗之移易製作之新奇學說之紛繁有非百年前所得而夢見者當此世運大變之時彭山一隅沿革亦多苟不依類增入後之來者必有杞宋不足徵之慨是重修縣志之舉烏可緩耶民國廿二年秋岷江戰役後余奉檄來宰是邦民彫物散兵匪縱橫典籍亦損失殆盡幾不知政之所自出教之所由興亟欲得彭山縣志

重修彭山縣志

序一

藍光印刷廠代印

一覽籍明田賦土俗民情之所著遵成憲而參時宜以圖補救於萬一詢之紳耆皆曰舊志無存新志改修於民國十三年前至今尙待付印查其十年不得成書之故良以事屢阻於兵而款則多移爲他用足見亂世不重典章護持文獻之難也幸我

甫帥劉公於安川戰後卽統率各軍督剿川北赤匪彭山遠在後方人民得稍蘇喘息劉君紹先原任總纂復將重修志稟釐定哀集成帙並與余商印刷校對諸費披覽之餘事迹求翔實而文詞去枝蔓紀國計民生之關鍵無舊學新潮之畛域秉筆正直條貫詳明無可復議者故雖於此邦公私破產之後亦必盡力與劉君籌資以此成志也茲將付印爰爲之序
中華民國二十三年歲在甲戌宕渠劉兆玉撰

重修彭山縣志序

中國畫井分疆置郡縣以敷政其制最古今憲法亦以縣爲自治單位集縣而成國國有史以紀一代人事之大縣有志以紀其山川風土人物政治志與史實相關係非稔於典故明於現代情勢弗能爲彭山縣志初修於遜清嘉慶朝光緒朝議續修未果延及民國識者以國體改革忍久而文獻無徵官紳協議設局重修余亦與其役隨以視學江油辭嗣復南北東西於縣事少聞問今春倦遊歸里劉君紹先出所纂志稿見示行將付印屬爲之序余雜作志難作志於今日尤難當茲二十世紀世界大通凡政體文化風俗習尚皆大變遷建國之方略不同則地方志乘取舍詳略自亦互異若猶鋪陳詞藻摭拾卮言循古例爲陳死人作傳或涉詭誕委瑣無關社會進化僅若一人一家簿籍庸有當乎劉君溝通新舊學有見

重修彭山縣志

序二

一一

霞光印刷廠代印

及此觀其序例有云撰地方志必具三用三用者掌故之用師法之用統計之用本此例以秉筆立言夫然後於人事之興廢民性之純駁財物之盈虛瞭如指掌則若列眉足以表章既往昭示來茲至於疆域沿革金石書畫外紀軼聞悉載於篇用備考證其次焉者也抑余重有感焉外人之待亡國虜也首禁其讀本國史以滅絕其愛國心吾國年來國難嚴重國人羣謀救濟使於其鄉邑疆輿民俗食貨文學諸犖犖大端亦昧而弗知是明於千里而暗於眉睫不有鄉土觀念何能愛國今縣志成書俾官於斯生於斯者於一縣土地人民政事是非得失因革損益之故一覽而悉進而求所以革故而鼎新保護而治理之推而及於一國又烏能日蹙百里而不能收復乎誠如是也縣志即國史之權輿讀縣志而敬恭桑梓愛鄉愛國之心油然而生跂予望之矣

中華民國二十三年浴佛日邑人徐原燧恢儒甫序

彭山縣志序

十祀不同風百里異俗政府因是以致教而憲政舍方志無以度齊矣周官之法侯國則有誦訓書其國故以上王史曰方志以藏於中央之冊府則曰四方之志志者何記也記其土地風俗物產貢賦之書也古者職方藉之以辨九州封建既絕然後邑乘作俗師淺學不曉方志與地志異撰不知道方志之義則史而謬襲唐宋州郡圖經朱明而降諸爲志者大氏能說山川而不能詳其政俗無由考見上世社會汗隆之迹審因革明進化無補於省方觀民設教故邑乘爲官師所不材則監邦治者放不用也民國改制地域官名律曆食貨禮憲度量一切去故取新成務極一世之化自一縣圖籍下至倉庫及喪祭械用頗有所增益財損十二年之間號令三擅立改造事遞興遞廢軍州專治歧令不稟京師至於官號圖法道

重修彭山縣志

序三

二

靈光印刷廠代印

異而縣殊闕而不錄後之述事考文者將何徵焉富順宋育仁先生患禪代終始之際譜紀不明故探纂前記下觀近世述四川通志欲以度制事狀徵驗推見興壞迺發憤而整齊之清己來乃頗可著于是巴蜀載筆之士炳然嚮風縣志彬彬興起矣彭山於秦隸蜀郡本蜀國之故封路史言魚鼈治導導今彭山其東十里有武陽城爲蜀國故城歷祚深眇而以有史之故其文明猶可考迹以此謳思前王雖廢墟則珍之莊周曰舊國舊都望之暢然卜商亦言國史周於治亂而懷其故俗惻怛乎其懷之故更百世而望之暢然也岷峨之靈世載維開明之體地嗚呼蜀之導哉欲睹野文相先後之迹咨于故實而察其權輿必自彭山始矣劉君錫純經年銳精以成此書既第次訖使來請序予以菲薄謬履峻位夙夜恐懼欲因革命布明法上下益損使民有政有居庶幾小休塞父老望事變多故未遑綱紀大基稍更陵遲遂往不返今禮俗流失甚亡等財用穀畜虛耗甚

不節此非常之憂而羣吏不以爲意耆老不風議小行不陳書求補短移化豈不難哉每考歲成念凶荒天札暴亂所繇以爲法倣而政煩民瘁如此不變不革治奚由進今年始建縣政府置縣長而輔以鄉官各任以奉法循理之吏布新除疾壹與更始萌俗雖殊要之以興業爲本興業者必辨天材知地物察民用其取材必於方志其斟酌損益必於方志蓋不道方志不知其俗不可以修教不知其宜不可以齊政大哉湯武之革命所由承敝通變使民不倦者歟會中樞徵求全國志書內政部下其事各省省下其事各縣凡縣一千九百一十五隸四川者不五十有一而彭山之書適先寫定予既受而讀之因綴言於簡端以告職方民國十九年十二月大邑劉文輝序

重修彭山縣志

序三

四

霞光印刷廠代印

彭山縣志序

民國乙丑秋大兵之後健爲防區適歸九師彭山

劉公紹先先生奉 當道命來知縣事先是省軍南下健爲地當孔道過境者皆貢供餉糈里征迭稅民不堪命 先生下車詢問疾苦一見精神抖擻談善後事甚悉相語移時皆識治體關民瘼之論非學有根柢明體達用者能如是乎數月後出所修彭山縣志見示曰余爲之三年始克有成盍爲我序讀之詳核該書蓋源本史漢規模網羅宏博出以近代顧亭林日知錄郡國利病書記事之筆論議平允不涉偏私非世俗泛濫成編者可及也昔唐荆川言邑之有志如家之有籍織勤治生者多詳田疇租賦錢貫絲纓鼓盆罍器僅指之數游閒華飾者多詳圖畫狗馬池館花樹古物珍尙之數而家之所以爲家者固在此而不在彼今觀 先生此志

重修彭山縣志

序四

五

霞光印刷廠代印

自疆域險夷民俗好尙學校壇場流風政善大而名教綱常小而人文事物凡有關於風土人情者無不登載書成釐爲十三卷大概皆近世所急者就中若通紀之掌故列傳之人物雖先後古今未始不具然皆略於遠而詳於近至諸志所收則於時勢攸宜人事切要者采摭不厭其詳故食貨一志言水利盡二卷學校一志列學制至累編凡以教養所關于時務爲尤重若夫裁廢各職停罷諸務例諸金石書畫祇以備參攷非作者本旨也以此爲志誠有如荆川所稱者且夫家之有籍所以爲生非以觀美也邑之有志本以經世非以博物也世俗之爲志者繁稱博引不致意於所重要而釋道之場園亭之勝下至一泉一石一草一木詞人流連風景之作所在皆是且敍山川不問形勢之攸關載風俗無富又野之徵考此何異家之籍專取圖畫狗馬玩具爲裝飾至租賦錢貫動關衣食之急者概置不論也持此於 先生是書相去豈可以道里計乎抑 先生之初

至也聞糧稅預征之令將下兩次呈請 當道求緩意氣勤勤懇懇近以
煙土有稅並波及不種者至躬親赴郡面陳得失雖所言有用有不用其
關懷民瘼已可概見此荆川所云如辛勤起家之人斥絕耳目之玩畢志
於家人生事之間者志之所載皆其精神思慮之所注也常不文承 先
生命義不可辭謹具芻言藉以明 先生之抱負亦使世知志之爲志在
此不在彼也

治弟萬正常

重修彭山縣志

序四

六

霞光印刷廠代印

彭山新縣志序

紹先先生修彭山志將付印以仁主縣事索一言以爲敘自慚不學不足以彰先生之大業然以先生操耿介志清遠宏揚前修亦晚學者所
有事也爰舉數端以就教于邦人君子

先生耆年績學深通經史于方志融貫實齋主張不爲圖經觀念所囿而成爲周官所謂小史外史足以經紀一方文獻卓然一家之言

先生以本縣紳耆獨立成志大不同於官府奉行故事者故能體例一貫言不蕪雜方志中前如玉述菴修太倉志武授堂修偃師志安陽志陸存齋修歸安志鄧湘皋修寶慶志繆小山修江陰志皆精心結撰有有史乘先生此作方之無愧四川縣志之人口不置者厥推富順縣志以比玉裁一代經師令富順親總其事力學俱備自易成功仁淺陋烏可以比

重修彭山縣志

序五

七

廣光印刷廠代印

懋堂然及仁之在彭山而觀此志之成則竊有榮焉

昔郭筠仙以通才博學官至督撫歸老後自任本縣湘陰圖志總纂書告成矣而扼于李桓卒歷若干年僅得以私資付印蔣子瀟修涇陽志付印後內容爲人改竄無完膚先生志成得縣人士熱忱贊助以公款付印而面目一仍其舊此又筠仙子瀟所不及也

方志之著述不可以閉戶瞑想得也調查事實搜集材料用力既勤需人亦多先生是書著筆于民國十一年成于十五年登山涉水摩崖披棘既亦勞止而調查又殊能會合羣力獨任而克難謀衆而解紛即此一隅史乘之能如此滿意而完成者殆不多覩

先生早年歷典大縣率以清介直戇忤上旨至今年逾七十而志意不稍衰口教而食不言貧苦卜居東山頂上步行過江教課日凡行十餘里風雪寒暑不稍間布衣草笠如老農有問者輒窮原委以告有食則呼

弟子高欲神態灑落脫遺世慮古之所謂經師人師者何處求耶仁甫到縣即具隻雞斗酒造廬問治先生論太上相因之理發人深省是志足表現其人格風度手把一篇弼教成治豈淺鮮哉

抗戰中軍事第一文化事業率萎縮不振而彭山縣志竟能于烽火中問世宛如紅梅映雪明星破夜然戈猶未投藝業遽講非故風雅自尙忘計當前誠念彭山忠孝之風寂邈劫殺之事日聞倘戮人止殺譬如救火抱薪惟端正習尙改變風氣人文日進觀感一新印是志以表揚先生行事使人民知所禮敬或潛移默化誦說詩書率行忠孝賣刀賣劍造福桑梓則又守仁之微意也

若是志內容有先生之凡例在不備細闡明是爲序

高縣 何守仁

六月三十日

重修彭山縣志

序五

八

霞光印刷廠代印

重修彭山縣志

凡例

一 舊志係纂至清嘉慶十八年止嘉慶以後既經滇匪之亂又經辛亥改政不惟檔案殘缺卽文獻亦散佚甚多故茲編於嘉慶以後恆有掛一漏萬之憾而職官選舉旌表等門尤多闕誤閱者如能力予補正實所切盼

一 舊志援引錯誤之處茲編概爲改正其有實非本縣者概爲刪去
一 未纂此編之初曾依舊志原體原例纂有續志四冊自清嘉慶間起至宣統三年止意在藉以參稽事狀茲故不印

一 本編截至民國十三年止其有十三年以後之事擬俟後來續纂故凡一切生存人文件之有關重要者卽概載入附志一門以便續纂

重修彭山縣志

凡例

九

鏡光印刷廠代印

時增入

一 凡各載記所載事蹟之有關彭山者概錄入志餘一門以其不能爲正志故也

一 官書文字每因方俗音轉而致訛者如陂之訛爲泮跋躓之訛爲躡饋之訛爲飽餽之訛爲粃等皆是茲編悉爲釐正

一 著書以纂方志爲最難蓋不難爲記帳式之文字而難爲有統系之文字茲編自信勉爲其難矣第不知方家見之以爲何如如能因是而得有所承教則屬厚幸

重修彭山縣志

執事職名

總 修

周

翔紫廷 原名鳳翔

局長兼總纂

劉錫純

紹先

前局長

徐原烈

幼常

前分纂

夏鼎銘

遠凡

前分纂

萬國臨

笠先

前分纂

毛少伯

耀先

前分纂

劉瀚清

郁文

前分纂

吳承庠

叔瑜

前分纂

徐原燁

恢儒

重修彭山縣志

職名

一〇

霞光印刷廠代印

採訪

李海廷

登瀛

採訪

梁宇清

國祥

採訪

陳紹瑜

採訪

張誠齋

採訪

郭尙文

採訪

張子明

炳垣

採訪

趙輔仁

採訪

張景炎

採訪

李汎舟

採訪

倪廷珊

採訪

吳次瓊

錫齡

採訪

張瑞臨

重修彭山縣志

職名

一一

霞光印刷廠代印

採訪 周羽儀 浙達

採訪 劉澤堂

採訪 夏守先

採訪 曾敏修

採訪 魏楚英

採訪 王選青

採訪 魏秀峯

採訪 李獻廷

採訪 帥席豐

採訪 何獻廷 光國

採訪 何學俊

採訪 徐原煒 棟華

採訪 張琢軒

收掌 姚正端 伯會

核對 毛汝襄

核對 龔志倫

核對 劉齡 獻文

提調 劉鴻翥 國欽

繕寫 汪伯昭

繕寫 陳繼堂

繕寫 崔仲江

監印 毛幼勤

核對 管同雙

核對 伍百龍

重修彭山縣志目錄

疆輿篇第一 子目六

沿革 疆域 城鎮 山川 附陵墓津渡 橋梁 道路 附鋪遞

民俗篇第二 子目十 有附論四

冠昏 喪葬 祭祀 禱禳 游賞 忌諱 方言 方音 宗教

附寺觀 氏族 附會館祠堂

食貨篇第三 子目九 有附論

戶口 土田 賦役 雜稅 倉儲 鹽法 幣制 水利 物產

學校篇第四 子目六

舊時科舉 附登瀛學田義卷試廡 書院 義學 現代各學校原

始 各校校款

重修彭山縣志

目錄

一一一

霞光印刷廠代印

教程經歷

文學篇第五 子目五

經籍 撰著 金石 附坊表 書畫 醫卜雜技

官政篇第六 子目四

政系圖并說 現行各政署局所機關法團 附衙署 裁廢各官局

題名

官師傳第七

鄉賢傳第八

列女傳第九 附耆民

通紀第十

統表第十一

志餘第十二

雜纂

附志第十三 生存人關係公牘四首

右計爲志六爲傳三爲紀表各一合志餘附志共爲十三册溯自壬戌之春予受任修撰縣志當時幼常徐君耀先毛君笠仙萬君諸人已有草創故予但以續修自任意續徐毛諸君之業終之而已惟禱味之見以爲舊志終嘉慶應由嘉慶以來截至宣統三年依舊例一一續補以成有清一代之書然後重撰一帙別創條例截至今日爲止凡舊志之散碎凌雜者悉整齊而彙從之其謬誤或可考或不可考者一一爲之考正而詳辨之其於禮俗政務尤必明其始末而記其廢興名之曰重修彭山縣志蓋志者鑒往而知來固有不可苟焉者也抑更有說者劉知幾著史通謂作史必具三長予則謂撰地方志乘必具三用一事也求其原始核其變遷掌故之用昔時昔人流風美俗嘉言懿行悉舉而詳著於篇鑒戒之用人口

重修彭山縣志

目錄

一三

鏡光印刷廠代印

之增落物力之豐耗蓋藏之厚薄具表其數率則統計之用凡茲三者苟略其一則不足以爲志故凡卮言稗說詭誕委瑣者悉所必去此予之所爲兢兢以爲必如此者也予受任已逾四歲中間牽累於辦團者半歲紛擾於駐兵者九閱月奔走於軍事者二十閱月其得專力於此者僅數月耳計先成續志四册後乃別創義例成此志爲十三册一切皆斷至十三年秋止予自愧學殖陋薄不足以語此且尤懼掛漏必甚然茲既得終業則亦予之大幸故於錄目之竟用誌數語以質覽者

乙丑仲冬劉錫純誌

重修彭山縣志



疆輿篇一 沿革 疆域 城鎮

自畫井分疆而後雖彈丸小邑莫不各有其土宇版章故都邑之變遷幅
幘之廣狹君子即以觀得失焉此蓋古之所不廢而今之所不能略者也
首志疆輿凡城鎮山川橋梁道里皆入之所以從其類矣

沿革 彭山秦漢武陽故地而唐名也三代之間蜀爲梁州秦惠伐蜀乃
有武陽始皇統一分天下爲三十六郡武陽屬蜀郡漢武平西南夷置犍
爲郡領縣十二屬益州刺史部武陽改屬之當時蓋合今之眉山新津仁
壽井研諸縣而爲犍爲郡屬之武陽縣焉及孝昭時移郡來治今縣境卽
爲當時郡治地晉宋因之齊徙郡還治犍道縣仍屬之梁武初分置靈石
縣旋廢大同中易郡名曰戎州乃易武陽曰犍爲縣并因宋時僑置縣境

重修彭山縣志

卷一

一四

霞光印刷廠代印

之江陽郡置江州理之西魏有蜀更縣曰隆山江州等如故至宇文氏乃
省江州置隆山郡治隆山并易劉宋所分置之縣水縣曰白水隋開皇初
廢郡存縣改屬陵州并廢江陽白水等縣唐貞觀初省縣入通義二年復
置改隸眉州睿宗先天元年避明皇諱改隆山曰彭山縣此縣名之所由
來也而縣境亦由是定故其後宋元皆因之明太祖洪武九年降眉州爲
縣明年省彭山入眉十三年復升眉爲州仍置彭山縣屬眉州清初仍之
聖祖康熙元年併縣入州至世宗雍正六年復置屬眉如故爲上南道轄
境民國以來廢州存道降眉州直隸州爲眉山縣與縣同隸建昌道此彭
山縣沿革之大略也別爲表以詳之

武陽故城舊志載在縣東十里卽張儀獲蜀王開明處漢於此置武陽
縣王莽改曰戢成後漢如故寰宇記犍爲故城舊志載在縣西北五里漢
建元中築昭帝時移犍爲郡治武陽卽此齊仍移郡還治犍道梁乃改

